

龍山縣志卷之十四

人物 壽民 選舉 薦辟 封廕

瓊州粵外地也迄有明而邱文莊海忠介出焉崎傑不囿於方隅詎惟龍山竟無興起者咸豐以前邑人士多以篤學質行著稱及粵寇之變從事戎軒崛起材勇蓋猷彪煥建牙專城所謂通物方而宏時務者也武緯文經殊趨合軌爰茲爲邾庶幾哉瓌黻隆平雲蒸斯彥田芝芳本城里人沈毅有智略自少不常親經籍然能事父母定省溫清多隱合古禮居常洵洵人有所欺陵龍山縣志

卷之十四

人物

一

不與較一遇義不可已事則奮身先眾起不避嫌勞成而後已雍正間邑始設縣治規模草創又沿土風文教未啟當事故未遑議及設學考試芝芳於是赴請於行省巡撫趙申喬深嘉之爲具題得如所請設學考試自雍正十一年始芝芳力也申喬以爲善最樂表其門

李光業洗羅里人歲貢生學問該洽於書無不窺遠邇從遊室爲之滿初邑風沿荒俗子弟習辭章鮮師承若負才性則多橫於驅騫及光業出一以古人爲宗經其口授爲制藝者皆有法度可觀嘉慶元年白蓮教寇龍



山諸大帥駐境上多就光業詢地形要害籌揣賊情故
深倚任之一日官軍出擊賊光業初爲策勢不利無已
則宜伏兵某處大帥從之後果戰敗而以伏起得勝光
業又嘗部鄉勇與賊戰其勇或亡於陣則爲哀泣殮厝
之如喪親子弟鄉人夙服光業篤行復以其肫相待故
樂爲致死所向有功光業纂縣志搜綴暗聞詳贍不誣
惜今多散佚者性嗜學至耄猶時手一卷誦不休居貧
自怡淡榮利邑寇平時當事欲上其功請官之光業曰
吾急桑梓之難非以爲名也辭不就

龍山縣志

卷之十四

人物

二

姚昌麒本城里人幼讀書嘗出就傅於外年十九父沒
昌麒故無兄弟乃棄所學服農田常侍母左右不復出
母晚年得痿痺疾昕夕上下床皆昌麒爲掖負之雖有
妻不令代蓋慮其不能適母身也如是凡六年母卒哀
毀逾恆情鄉人咸稱其孝嘉慶元年白蓮教寇龍山所
至焚掠至昌麒宅乃曰此孝子家也皆引去事平昌麒
則以所儲粟分給親鄰之困於亂者家人竊止之曰與
當日或盡於賊則何如也年六十四子五人並補諸生
田本清本城里人邑附生白蓮教匪寇龍山本清嘗勤

鄉勇堵賊及賊渡河鄉勇力不支皆他竄時本清有老母方在家則急歸負而走賊追及本清大呼曰殺我母傷我母賊遂刃本清而釋其母

聶愈達本域里人邑拔貢生後爲辰谿縣教諭有學行邑知名士多其所陶成父楚元貞疾十九年弗起愈達則朝夕自館歸視之手湯藥以進疾劇醫者或言所遺矢如臭甚當可生則爲取溷器屢傾而齶之時愈達師縣義學距家近故數於往還同時鄰郡邑有以多金聘者竟辭不往慮違於父也父沒終喪哀悼不衰在館值

龍山縣志

卷之十四

人物

三

經語有相觸卽涕洟不自禁門人竊視其書多淚痕漬溼有女弟適駱氏蚤喪夫力困貧自守其孤穉二愈達爲撫育之如己生後皆卽成立愈達沒十餘年邑人士臚其事實擬上請入祀鄉賢祠因中格不果行

晏多略本城里人趨健多勇力善銅鑼其舞法得異人指授性慤直與人言是非無依回遇強宗力與之角不勝不止其舞鑼也千虹百電纏繞其身冷風稜稜掣動牆壁觀者驚掉多略嘗白衣持鑼舞令人束荆蘸靛汁圍而灑之舞竟衣無點污故人尤推服之嘉慶元年白

蓮賊圍龍山多略部鄉勇擊之官軍多倚其力賊之屯
春厰坪也多略衝其陣然賊勢盛鄉勇不能繼獨多略
與其姪某陷陣中圍堅不能出姪固亦善鑣多略所指
授也於是兩人者背相倚以兩鑣互翼之且舞且走衝
而出賊當者多傷或持槍遙擊之其丸子注於鑣輒搏
而反轉擊賊賊於是畏多略見之率驚竄多略善符水
有患者求治之皆立效嘗與賊戰其鄉勇某傷於殺洞
右乳血潰踣地多略遽前以掌蘸唾沫傅之大呼日起
血止創口且合若未嘗傷者於是與更戰獲勝而歸多

龍山縣志

卷之十四

人物

四

略淡榮利戰功最多然口未嘗自言故人輒冒之主軍
者才多略欲攜而往以親老固辭

劉之餘本城里人業儒精醫術性嗜施濟人有貧而病
者之餘輒往診之且資以藥餌家故素封職此窘生業
之餘固弗憾也母沒嘗露宿墓側一夜有虎至之餘覺
固不爲驚而虎亦旋去家人勸之歸之餘弗應後以感
犯嬰沈疾乃昇而歸年八十六沒孫世杰補諸生傳其

醫術

向振玉邑附生秉至性親喪哀毀瘠癯以是得咯血疾

終身不瘥母嗜魚餐其兄志成嘗漁於大潭口一日兄溺於潭水深覓尸不能得振玉則循岸上下號泣求之越二日尸自浮出振玉自是不過其處終身不食魚喜讀方書時製藥丸施里黨貧疾者。

黃之翰字維周號玉堂本城里人原籍長沙父鴻禛以賈遊龍山致富遂徙家焉敦行誼旣沒以孝義

旌表入祀於學之翰貌瑰瑋多力能初以貧未嘗學力傭自給及隨父鴻禛徙龍山家日起猶時爲人傭如故性惡酒宴客逾三巡並尊爵徹去弟之秀嘗避兄飲或

龍山縣志

卷之十四

人物

五

猝見之則怒碎其杯之秀謝過乃已父晚年病風痺臥不起所遺汚牀褥之翰躬爲浣易之日數遺數浣不懈居喪命其子爲誦喪禮凡殮葬祭悉倣而行有從父六人居長沙者皆貧甚皆迎至龍山分給其財產於長沙祖祠置學田創支祠迴龍坪置田供祭祀兼贖宗人貧者祠旁建家塾以教族子弟方之翰力傭時常爲賈者負橐金中道賈者卒之翰急腰金負尸馳二百里抵其家家人見尸方駭疑及見金則猶賈者手封識也乃謝之邑有甲乙訟田者之翰勸乙讓之然甲須爲田主者

償質值於乙值入百金驟不辦之翰如其數畀之訟以解其置學田於長沙祖祠也初長沙有柳生者資之翰父數百金父因得賈龍山以致富後之翰以父命持金往償之而柳生已蚤死家人無知其事者固辭不取之翰乃以金入祖祠置學田曰吾曲體吾父心以廣柳生之惠同姓某貸萬金服賈再貸再折閱如初某請盡產償之其產抵貸數三之一某方慚之翰曰吾一舉盡而產窘而生矣可奈何乃受其半之翰性方嚴疾惡里博者遇之皆走避有李乙者素業博居與鄰之翰則數資

龍山縣志

卷之十四

人物

六

之令徒業乙故凶橫數爲患於鄉以之翰故漸戢其行之翰初以捐例得州同知銜後以子大鎮貴

誥封奉直大夫子三長大鐘有傳次卽大鎮廣西柳州府通判三大鉞有傳

鄧邦畿字京都本城里人其先世自桃源遷龍山初有遺資均推與兄弟而自行賈以給家由是漸起宗黨多賴以舉火邑有義行必倡成之今見義會其一也嘉慶初教匪寇龍山邑人多附從者而良善遂往往爲所誣陷當事率指爲黨擒治之邦畿以行賈故多所熟識爲

言於當事其保全甚眾卒年七十六贈登仕郎初邦畿
父人寬將終謂曰吾初居桃源曾負劉某債十餘金爾
後必償之吾死無憾矣越年邦畿往而劉某已故後人
無知其事者邦畿請償却之屬姻族爲言乃受而後已
邦畿子二長蘭諸生忼爽有父風以孫秉彝貴馳贈奉
直大夫

劉廷華字蔚叔本城里人性誠慤父蚤沒事母王氏以
孝稱邑乾溪河石橋圯母儲有紡紝貲欲以修之然不
敷於用廷華爲足成之費五百金時母方八十卽名橋

龍山縣志

卷之十四

人物

七

曰松齡祈母壽也母性素恇怯多驚恐沒時廷華宿墓
側每黑夜風烏號啼則泣且呼母曰兒在毋恐也少以
貧不常學然能多識字喜陰隲文每晨起必誦百遍然
後已敬禮儒者或書有不通則從之講授性喜施予貴
州某父子乞於境父偶病將鬻其子廷華曰無子誰爲
侍汝者令無鬻而厚資之又自貴州賈於境者折閱
不能歸有老母在家某思之則泣廷華爲資遣之道光
己酉歲荒廷華嘗袖錢行於道遇饑者卽與之盡則復
然饑者或詢其姓名不答也澧州何某以饑流於境一

家凡六人其父母死廷華旣爲棺厝之旣某又死又厝如前兼餼其妻及二子至秋遺之歸廷華旣喜陰隲文凡行事皆倣之平生厚宗人時賙其嫁娶喪葬尤敦睦鄰里鄰人廖紹一家貧甚與之貲販菜爲業一日渡東門河溺焉河水漲廷華遣人求其尸不得則爲酬河神泣禱之久之尸自下流浮出其婦龍氏嬰足疾日臥於牀又餼之終其身廷華年八十九歲沒鄉人以孝義請奉

恩賜贈登仕郎後加贈修職郎

龍山縣志

卷之十四

人物

八

汪肇傑字楚英本城里人年十二九經成誦爲文演迤宏肆先達者皆器之然厯試輒躓訖不得展其才與人交尙氣概人有過失雖尊貴必規誦之弗屑心者見之拂衣而去從兄在高有異姓兄某者夙貧甚然從兄固友愛以己所得產與分之故從兄產且薄日用缺乏肇傑復與合爨并家政歸之而已率諸子姪讀書於外從兄故喜推施肇傑則任所費不復問里有髠工某者家五人歲饑不能全活且迫積責鬻其長幼女不足又謀以其妻嫁之其妻哭甚哀肇傑知之曰彼不有兩女猶

可並妻去之則嗣斬矣爲償其責復資之生計遂爲夫婦如初後生子二

劉文達字亨衢邑諸生本城里人世籍江西廬陵縣曾祖兆奎遷來鳳旋復入籍龍山文達修孝行父國權性剛嚴小不如意卽跪而痛杖之常至流血文達壯倚俠氣有父風或一言觸者卽怒轟然必凌駕其上乃止然偶見父則避去雖負撓屈不介懷也事繼母謝氏尤曲順得其懽謝兄弟凡五人皆貧且庸愚無生業文達常廩之及沒復棺以厝然是時其家固甫堪自給云舒胥

龍山縣志

卷之十四

人物

九

者貪而橫多徒眾縣官爲所制漁於鄉里或賺所欲則窘虐其人多傾產者文達旣憤所爲一日呼其次子前痛創之至伏地祈命乃釋其徒黨聞之皆心懾自是並戢其惡次子方瑜固以拳勇弁邊地者也文達才雄肆不專於詞章嘗以經濟自許於天文輿圖兵家之書多所窺涉嘉慶元年白蓮黨寇龍山文達嘗勒鄉勇助守戰屢有功諸大帥就詢方略俱倚畀之時邑人多爲邪教所惑誘者有同姓某或訴其黨於賊知縣林龍章將斬之且並坐其家十數人然某誠爲忌者証未嘗與賊

通也文達急見龍章請釋之不從則率鄉勇要而請之
乃釋後龍章諭其實誣則謂曰非君吾幾多殺良民也
於是益任重文達有降賊四百人某大帥欲並誅之而
假爲陣斬者以報文達亟請釋且涕泣止之不能得後
二年事發大帥遂以殺降邀功褫職文達風裁峻峭不
輕與人交然有投合者卽去形骸與之終身不易嘗與
某友試選貢時論制藝及歲科試等第則皆宜文達得
者某友曰吾親老且衰望吾名甚急汝親尙可久待也
曷讓此於吾文達諾旣入試則故爲拙於文而某友遂

龍山縣志

卷之十四

人物

十

入選督學者疑其文與前試不類招問之以疾辭不自
明也而文達亦竟終諸生方白蓮寇平時當事欲上其
功予以官且攜而往以父老辭之故終不能展其才年
六十二卒子二方瑾有傳次方瑜負才氣同其父

何呈瑞字輯五他沙里人嘉慶初教匪犯龍山里土寇
乘而起時呈瑞父會友年八十矣家人競走避呈瑞獨
負其父至洛塔時黑夜山徑高峻難行呈瑞以力盡嘔
血致疾卒子二致祥監生次兆祥諸生慷慨喜推施有
善行

毛世英字登科父蚤卒事祖母劉母謝以孝聞忼慨喜
施予鄉里稱爲善人沙子坡者赴府要道也舊由山巔
地高險多烈風冬積雪沒人行者常畏阻不前世英改
由山半路稍斜夷風雪患亦殺行者稱便山巔有廟亦
改建其處凡三圮三修之前後共費數千金初世英爲
母製一棺蓋香柁而陰沈者嘗置於舍後土王廟中有
熊姓父子業漆工者先居廟中未幾其父病死其子貧
無所得棺乃納其父尸棺中蓋而去世英久始知之宗
人見者皆憤甚欲委其尸於野世英不許卽昇其棺葬
之砂坪某貧甚將嫁其妻世英聞招其夫至資以金令
勿嫁今其子孫且繁盛焉世英年六十卒

龍山縣志

卷之十四

人物

士

李亘榮號華塘本城里人世籍常德府桃源縣至祖咸
萬徙武陵亘榮復由武陵徙龍山先是亘榮叔父德一
者常服賈游邑境亘榮從邑人張能發見之器甚許字
以女亘榮旣樂邑風土又以父母命就婚張氏於是遂
徙家焉亘榮幼貧旣入塾旋廢學然天姿優異於書多
能自解悟體素羸喜養生術道士蔣劍秋僧望雲與爲
往還言論頗習內典方亘榮徙龍山其父已先沒母賈

氏畱武陵有二兄隨母居一日亘榮心動則謂妻張氏曰吾母恐病矣乃自邑急馳越五日夜抵武陵入門而母果病臥於牀詢病起時則心動時也及愈仍返他日病復如是病革則並其妻往視之妻張氏慧而賢母喜病爲閒久之母卒凡一切殮葬皆視其父而哀毀尤甚弔者爲泣然踰期返其妻獨畱廬母墓三年於是奉伯兄返龍山而畱仲兄武陵守墳墓亘榮中歲常奮然嚮學一日夜方深其子如琦坐燈下誦論語至子路問成人章亘榮聽之若有所會然不能竟解則急出門馳里

龍山縣志

卷之十四

人物

三

許就友人謝安德詢之時安德已寢遽起披衣坐爲詮釋其義亘榮聞之曰吾今知聖賢之學固切益身心吾向所聞佛道說籙皆虛泛者也怏怏然以蚤未嘗學爲憾時有潘某者游學龍山亘榮乃延之家從講授並教其子潘某年較少亘榮則嚴事如父兄誠肫而盡禮方三年亘榮卒子四人三如篋由舉人補瀏陽縣訓導隨升衡州府教授加五品銜亘榮以如篋官逢

覃恩誥贈修職郎晉

贈奉直大夫亘榮卒時起浣浴更衣端坐與家人訣旋

瞑目若有所待者久之蔣劍秋至曰汝來耶吾且去矣一笑而沒其與家人訣皆夷然無哀慘意巨榮性姿高妙通內學故能空世念而了死生如此

黃大鐘字東序號曉樓恩貢生世爲邑望族父之翰生子三大鐘其長也優稟賦幼勤於學諸子百家無不窺下筆千言立就年十九補諸生旋入廩缺然鄉試輒不第大鐘固怡然弗懟也事父母無詞色過疾病湯藥皆親嘗夜不甘寢時取嗅所遺矢旁觀或嫌爲穢愛諸弟一衣食必推其甘美者仲弟大鎮補柳州府通判親送

龍山縣志

卷之十四

人物

三

之任所泣與別而歸每年畀千金資其用曰母令有一毫取於官損吾弟名也道光中歲荒爲粥廩飢者然是時疫且作飢者多病臥環粥廠地皆穢臭薰蒸之大鐘則日至廠襍立飢者中司其事或歡止之曰苟疫氣當傳染雖深居無益也然事竟大鐘故無恙邑有負責鬻其妻者大鐘爲贖歸之旣曰是極貧難久全將再鬻之也乃令其夫婦並傭於家內外而豐予之值大鐘待人多寬和然持己則甚嚴一繩於禮父母喪期猶衰三年不食肉不寢於內守從母王氏喪次者凡兩月然已先

異居矣其他舉動皆有程度釐然大鐘練知世務所籌謀皆經久遠叔弟大鉞嘗議於南河建石橋則謂曰山谿水迅悍石堅立不能順水性強與敵必圯不如置多渡船水漲則併船爲浮梁可無患且工費省卽壞易修也大鉞不謂然建旋圯更建亦如之迄今始復又嘗擬倣范文正附宗祠置義庄未及行而卒屬其子一澧一鳴繼成之大鐘家故富然及其身始嚮學父之翰期之切大鐘甫授書卽知父意在塾時久誦不熟於經則恚甚俯而自拳其胸且泣且誦不已故終爲邑名儒大鐘

龍山縣志

卷之十四

人物

古

初由貢生註選訓導後以第大鎮官柳州府通判

勲封承德郎

劉方瑾字懷美文達子也性和易遇人情貌肫然生平未嘗作一僞語強悍者見之皆改容敬禮焉嘗購田數十畝其田與鄰某田相毗某欲併得之方僅卽推鬻焉久之某歸其值竟短其三分之一方瑾亦不較也數爲人貸錢或不如約則復代償之先後計千餘金職是家日替博學工詞章應童試十有一終無所成居側有隙地鄰孩時嬉戲其所方瑾暇則爲除其瓦礫斷荆遺棘恐

幼愚不知避爲所損傷也工書法老年能於燈下作細楷九經三史皆有鈔錄

謝安德字潤身本城里人性聰穎力於學少以文章屈其儕輩屢試不得志年四十棄儒而賈少贏餘曰我人子也嘗遠遊於父母何乃力耕奉晨夕凡饕餮慊所嗜里有殺人者其弟安猷爲忌者所誣坐繫獄其母愛猷甚積憂鬱莫能解母病且革一日語安德曰汝能致猷一見我卽汝孝也安德乃以多金止忌者並賄縣老吏爲雪其誣然兄弟久異居猷家貲故蕩盡而安德蓄儲龍山縣志

卷之十四

人物

五

亦不豐旣變產不給乃售什器益之盡償所費而猷出於獄母病愈里有某氏者夫亡遺一孤嬰痰疾常昏瞶不曉人事里中人謂其駮無肯妻以女者而其繼姑某又虐於氏以氏故嘗阻其昏安德故與爲媒曲成之生一子而孤竟卒族多貧者歲饑安德傾其蓄餼之族以全活又嘗爲族人償責千餘金安德平生力耕貶衣食然其沒也家無餘財蓋職此人有過失盡言規之受者不以爲忤薦紳先生齒與相若者尊其德皆兄事之其爲族償責也取券焚之而屬責主勿言已若責主以某

某貧而自讓之者其子知之安德謂曰彼責而我償焉
言之是我見德於彼而彼懷不安於我也豈一本之誼
哉

吳宗延字節軒洗羅里人家世素封以施濟故中落性
純孝母死哀毀逾恆情人以守身繩之乃少間父喪亦
如之事繼母尤盡禮歲時讌於鄉有異味必懷之歸以
遺母疾病躬親湯藥雖子孫不令代里中汲者距河遠
劬於往來宗延屋後故有胥井則朝夕爇香禱之數月
泉湧出人咸利賴焉後朔望日猶禱如故極敬惜字紙

龍山縣志

卷之十四

人物

六

常肩筠籃數十里外收檢之有問者則曰代富者某也
其不近名多類此家貧樂施予里黨困乏嘗贖給之歲
除日有絕糧者宗延於二更後至某戶下以紙鋪於地
聚米其上約足數日食者歸家人嗔之曰吾家儲僅贍
半月也奈何顧他人宗延曰彼且無逾宿糧新年二三
日間問誰貸也

鍾進高字厚昆本城里人少讀書既孤依兄進邦居兄
嘗力原田以給衣食進高既積學屢試有司無所成意
不忍食兄力夜讀書燈下日則負耒耜耦兄耕隨其作

息積勞勩體爲癯兒數止之不聽及起家將異產進高
盡以膏腴歸兄而已取其薄者性誠厚不喜爭訟里人
或欺凌不與校曰吾與其受侮弄於胥役不如甘屈枉
於里黨爲愈也其教子姪亦嘗以睦同井修禮讓爲重
進高居近於縣然足不入城市者凡三十餘年子二長
仕明邑庠生次仕虞素行謙謹分居時推多產於兄蓋
稟其父之教云

張廷輝字著堂本城里人世藉長沙縣至父朝奇徙龍
山以賈起家爲邑巨富朝奇樂施濟每歲節袖多金至

龍山縣志

卷之十四

人物

七

鄉間分畀貧苦者而終未嘗自言姓名故平生多隱德
人鮮知者廷輝旣席父貲益拓所欲爲屢鉅義舉無恡
情鄉賢黃大鉞延輝姻也性樂善與之同道光甲申建
繼志橋於跳魚洞明年復於南河建合志橋越癸卯年
又修築縣城垣先後費白金鉅萬皆大鉞與廷輝併力
成之者白巖書院初建北門外廷輝以地湫隘謀遷之
時則大鉞方獨修

黌宮而廷輝亦遂獨力遷書院於今地齋舍講堂規櫺
宏具並捐田租千餘石爲束脩膏火之資嗣又獨力修

汝池河道路計所經費較前併大鉞爲者其繁重更甚
廷輝性謙冲遇卑賤皆待以禮有侮凌者不與校一日
行於道或自其後詈之同行人告之曰非詈我也則又
告曰彼且呼君而詈之曰或偶同姓名者也不顧而去
家居清素蔬食布衣曰吾惜於費使常有餘值不時之
需可卒給也故廷輝生平多義舉而未嘗緝於財其修
道路於汝池河也路有踰山始達者然山皆深箐叢棘
易迷人多陰窟甚深險稍失足卽墮下不得出廷輝方
阻工忽一鹿見其前衆逐之隨屈詰行有一徑介然踰

龍山縣志

卷之十四

人物

六

山去乃因而闢之又路有緣崖壁而過者有巨石墜出
堦壁中石上下皆懸削無階梯初由崖頂縋工人下擊
石以繩斷墜死廷輝方悼憂之忽一夜大風雷石崩而
道遂由石處直達時得一鏃視之非鐵非石蓋雷神所
執始知石爲雷擊也其鏃今存於家論者謂廷輝誠至
故有所感云廷輝天性冲泊不務名譽府縣義其行數
請甄敘堅卻之晚年始以州同加府同知銜以次子慶
霈官 京城兵馬司副指揮
誥封朝議大夫

陳之潔字湘田諸生開達有氣介里人咸敬服之遇有爭質一言立解悍族狡徒皆爲斂跡或聽其規勸改行爲善良原土潤衍任人開墾種蒔而不科其租倚此以給食者約百數十家又多所興作俾貧無業者皆得僦力自食諧輯宗姻推宅相處有無通濟驩如一家知縣某亢直有威稜人不敢犯之潔會坐訟比對簿陳辨慷慨盛氣軒駕無所撓曲某反喜其才幹爲禮敬焉所居臨勝境樓閣環帶水木明瑟賓友觴詠無虛日見者頌其清福後以壽終

龍山縣志

卷之十四

人物

九

覃尙科字貴良諸生性誠孝母病侍藥膳數月不懈敵厲行檢不妄取一人錢終身未嘗至縣庭咸豐辛酉寇警家人奉尙科避小井溝會石達開將至家人請再徙不應見達開語以順逆禍福詞色激厲達開謂其黨曰此長者可勿犯也同治二年賊警如前縣城閉附近居民爭援梯入城尙科綴其後及堞有凶徒某阻不內尙科力求入某怒掀梯倒尙科隨而顛至地幸不創損尙科怡然弗愠時年已八十矣尙科先於來鳳某肆購物值錢數十文未及償而賊至及事平尙科往償時計簿

已毀矣某肆主驚且喜曰何誠厚如此哉年八十六無疾而卒

唐宗魁字宏才少以疾不竟學父康成蚤卒事母篤孝生無兄弟而於羣從友愛無間從兄宗榜少孤貧出亡於外康成遣人尋至慈利得之歸爲婚娶生子延德而宗榜卒家貧不自給宗魁復招延德同居拊之成立始分異焉然已漸饒贍矣宗魁晚年謝家政身無所營而爲宗姻窘乏者籌畫食用日皇皇無少暇道光己酉歲饑散藏穀與里貧者不足復貸錢百數十千運米於宣龍山縣志

卷之十四

人物

三

恩減價平糶凡數運皆減糶如前錢盡乃已以此饑不爲害後以壽卒

黃大鉞字子虔號井門之翰季子也由嘉慶丙子科副貢生補湘鄉縣教諭加鹽運使司運同銜旣沒以鄉賢入祠於學大鉞生平義行彪然由邑人所稱道名聞於遠沒時長沙陳工部本欽爲表於墓表畧曰大鉞幼警敏伯兄東序教之學弱冠補縣學生師事澱浦舒夢齡工制科之文嘉慶丙子科中副榜貢生是後屢試報罷謁選得官教諭權武岡州學正補鄉湘縣教諭在職無

公私之過去而人思慕之性誠樸和易與人無爭而施予輸助一無所吝道光五年邑大水漂溺死者衆君與邑之好義者張君著堂倡建石橋於南河費鉅萬橋旋圯旋建復之學宮年久且壞君獨力捐貲規葺之龍山界楚蜀之交縣庭處邊徼且密邇苗疆往者三省流寇作亂來鳳殘破而龍山獨完翳城垣是賴旣歲久城已惡壬寅春君又與著堂完繕之其他陸姻贍戚施藥除道育嬰埋齒建文峯塔置科名田舉時俗所稱以爲君美者自君視之皆義分所應爲若欲然無足悉數者也

龍山縣志

卷之十四

人物

三

大鉞旣多賢行流聞遠境於是長沙諸鉅公如賀御史熙齡左舍人宗植及本欽輩皆鬱負人倫望不輕以一詞許與人者然皆亟稱之而以其沒爲惜本欽爲其長子元齡師故更表於墓邑父老皆謂其事誠然無虛美者又曰世俗衰媮貨力爲己以鄙吝纖嗇爲才以輕財好施爲愚至一二好義急公之人且竊笑之以爲好名而無益平日厚自封殖積百族膏脂於無所用之地及一旦爲強有力者之所攘奪熟視而莫之誰何否則爲不教之子若孫驕恣淫佚蕩費之無餘而不悔者皆是

也嗚乎此其人之於君賢愚相去何如哉本欽言及是非獨謂其事實不可湮沒也蓋取以風世之殖財者使其嚮於義大鉞邃於學工書法所著有讀經實言八卷退一步軒詩文集十卷手臨諸家書及墨刻各數十冊道光丙午年卒同治己巳入祠鄉賢

鍾大倫字理堂郡諸生性方重有識畧私居必肅容儀每經廛市人皆望而敬之兄大斲卒時旣析產矣以姪某無依復招與同居撫之成立婚娶如禮邑書院建立久多傾敗膏火不給道光丙戌大倫勸富室張廷輝捐

龍山縣志

卷之十四

人物

三

貲重修而身董其役數月落成規製拓於前並勸捐膏火田千餘畝延聘院長備立規條而時稽其勤惰每課終日監視嚴鈔襲假代之罰士亦無敢犯者文風日起激浦舒夢齡未遇時游學龍山大倫一見器之爲置館地並謀婚娶初或以其貧難之日安有才如舒子而終貧困者乎遂婚於羅後夢齡果由進士歷官山東道員龍成雲邑附生辰旗里人性高曠居貧無求素愛菊茅舍數間竹籬環帶花時把酒吟賞晏如也一日立花間家人告午餐絕若弗聞者其妻貸鄰米炊而食之成雲

亦不問米何由得也成雲工詩精聲韻之學邑沿土風
諸書字半訛讀經成雲口授者於轉注諧聲多所講究
與人談喜詼諧里有爭攘一言戲而解偶夜有盜者入
雲成知之曰室中空無物籬邊菊花頗繁汝愛之聽汝
摘也盜者笑而去卒之前數日臥於牀朝夕無呻吟聲
但沈沈然若熟睡者將卒忽起吟曰我是華山一睡仙
覺來還爲世情遷不如歸去華山頂一睡終須一萬年
見家人環侍之則曰吾先睡中無汝等也夷然而沒
饒建綸馬洛里人歲貢生性肫誠自幼舉動有若成人

龍山縣志

卷之十四

人物

三

建綸旣爲詩書世族其姻黨皆邑巨姓每慶會諸姻子
弟冠裳焜耀而建綸獨布素與其間夷然也及老益儉
樸羣從子孫翩翩裘馬不敢入其門與人言要於信有
友謀某事許助之數百金後某以事不成辭不取建綸
曰吾旣許子將去可他謀也如前助之治家嚴整內外
斬然僕婢不敢坐於堂室中不聞嬉笑

李巨發字一儒本城里人少失怙奉母氏賈撫兩弟以
孝友稱勇於爲義遇事關倫紀及地方利弊者雖經勞
險弗餒也一日母疾病思雜炙適家無有市諸肆及得

而母不能食尋卒巨發慟之祭期供饌其妻以雞炙具則奉而泣自是終身不嘗此物仲夫婦並蚤沒遺孤子五人皆撫之成立季孤子如篋性慧能讀書爲延師教之入學屢鄉會試皆資其所需產業爲之減一日啓門拾遺金卽周走問誰遺者有袁某出稱爲己物驗其封識果然卽還之袁某請以其半謝不受也道光元年歲荒當事令邑人爲粥廩飢者巨發卽爲言施粥之弊多費而實或不至計不如予之米當事然之尋以一鄉委巨發巨發則約家人日一食權其所省餘者獲米二十龍山縣志

卷之十四

人物

三

石不足其妻復出私蓄錢百餘千資以益米於是一鄉多全活者年八十六卒以姪如篋貴

馳贈修職郎

晉贈奉直大夫

張振鴻字秋圃白巖里人縣選貢生性冲泊遺榮利由選貢試於

朝不第卽歸不復出所居水木明瑟讀書賦詩數十年足跡未嘗至城市弟振銘有才幹以家政畀之不聞出納人有造者與談經史辯論滔滔或參以世事則不酌

一詞嫻黨慶會賓友填集招之宴不赴間一往賀之雖夜必歸不宿也靜坐一室吟誦之暇家人不聞其聲李發科字聯三邑武生言動溫雅有儒者風事親孝居喪三年哀感無間殯葬皆衣古禮嘉慶初教匪寇龍山發科乘城守禦事平賞袍褂一幅

欽賜義勇堪喜匾額年七十卒

夏裔學字之時白巖里人少業儒以親老廢轉服賈數年家隆起循例就理問廳職性剛方喜堡不平里強宗爲斂跡好施濟歲荒出家貲修諸闕陞令飢者力備而

龍山縣志

卷之十四

人物

三

濟其食邑距省遠值鄉試寒峻多不赴裔學則捐田數百畝以租入資試者先是永順知府翟聲煥嘗捐俸二百金資邑鄉試日賓興會久之寢盡至是裔學力復之卒之日招負債者至還其券慰而遣之子二長德明字雲巖事親以孝聞道光中歲饑倡捐穀數百石置義倉二又獨設義倉一專賑濟佃耕已田者傳授生徒單寒而習勤者資其衣食成名嘗數十人咸豐辛酉之亂捐數百金築堡砦衛鄉里又捐果健營兵餉穀二百餘石建義學於玉屏山修治橋道日冒風雪程工不間養孤

貧二十餘人培古墓施棺具其善行如此由武生以捐軍餉加守備銜次建寅字敬亭文生性慷慨如其父兄敬睦宗親崇禮師儒成益寒困子弟同治二年捐千金創修

萬壽行宮

李宏錦字玉章生歲餘而孤母孫氏鞠之成人事母篤孝夏扇枕席冬溫被每出必告所往雖大風雨夜必歸歸必敘所爲纖細無隱母疾倚榻假寐而待呼之立應母沒且三年日哀泣如新喪以是病目有姊適孫氏友

龍山縣志

卷之十四

人物

三

愛無間一味之甘必迎歸其嘗之迄老猶然卒年七十四先是宏錦數歲時嘗拾遺金於道歸以獻母母曰凡財非自勤苦得者必有災吾家雖貧敢希是儻來物耶令至其處竢失金者至詢而還之其後家日起子四皆隸於學

楊再斌白巖里人與兄析產兄自取膏腴者而以瘠土歸斌斌媻黨咸不平之再斌曰兄先我作苦我得此已過矣又兄初以嫂奩資入公用自是積算莖前數均爲二欲弟補之再斌卽併所得瘠土歸於兄乃傭人田自

食其力無何兄嫂亡遺一姪再斌撫之至成人未嘗與
姪言前事

羅啓藻五寨里人少失怙事母孝兄弟凡六人藻序四
上友下恭門庭濟濟既分產以已所得者畀五六兩弟
憐其少也三兄家漸衰夫婦並沒啓藻撫其姪至成立
爲之妻而姪又沒家且盡並居舍鬻於人姪之子無所
倚又招至家撫育之如姪時

梅天華字榮亭本城里人郡武生五歲喪母事父有孝
行兄三人先後相繼卒撫諸姪如子世俗兄弟析產其

龍山縣志

卷之十四

人物

三

父母亦得其分之一自是別居自食天華獨嘗惡之曰
是下同父母於兄弟而定省溫清子職皆可廢也豈情
理所安哉既析居乃獨奉其父終身不以委諸姪喪葬
皆身任之年四十餘生一子教督極嚴嘗笞之流血或
勸止之曰凡獨子多驕縱以姑息者長成之也卒嚴督
如前其子果力學爲諸生女二均夫亡守節

張孝純五寨里人家貧力樵采以供父母食無餘常飢
忍而不言父母強分與之不受也性忠懇可倚事有賈
者欲傭以往曰吾可一日離父母耶堅辭之父病需某

物血合藥猝不得出指血代之及沒殮衣薄附益以己身者及葬日負薪販於市夜則露宿墓側極嚴寒未嘗避之母死如其父

龔天爵大喇里人家貧事父母負販以養然未嘗去遠方日往來諸墟市雖夜必歸恐勞倚閭者望也一日赴市中道拾遺金卽坐待之還其主者及市販物其價倍常日歸時權所贏適如先遺金數

李登富本城里人性誠原有堅守家貧蚤孤撫兩弱弟皆成立年三十喪妻遺一子幼甚或勸其續娶之不應

龍山縣志

卷之十四

人物

三

以父兼母拊幼子長成鰥居更三十餘年卒又陳先武他沙里人亦年三十喪妻不復娶

鍾大銘字警堂本城里人由監生納貲得從九品職以粵寇亂死安徽鳳陽縣賜卹加縣丞入祀昭忠祠大銘家世富饒以性慨慷嘗一事揮千金不恡故中落晚年數游客於遠方傲岸負氣遇人不平面視然與投分者則終身不渝其殉難鳳陽也時爲知縣黃兆麟幕客先以事至鄉沅賊將及城其鄉人勸母歸卽避於此大銘曰兆麟待我厚聞賊勢盛未知所城守者何如吾當歸

助之力不濟同死可也於是急馳馬抵縣署而兆麟已勒兵出防於隘適賊自他道入尾大銘擁至署矣見大銘以爲官脅之降曰吾卽非官豈從汝賊耶大詈之不絕支解而死時咸豐三年四月某日也兆麟歸求其屍合而殮之事聞得

賜卹如例大銘好推惠人頻年積客貲歸卽散諸姻黨之貧者故其沒也喪不能歸於里

彭世選字國樑世居江西安福幼極貧嘗半日讀書半日負薪以養父母年二十棄學行賈至縣久之致富因

龍山縣志

卷之十四

人物

无

家焉第國棟幼出嗣從叔某貧不自給世選則攜千金返爲營田產某得溫飽終身置家塾課子待師極誠敬有過求皆應之寒儒客其家久而供具不怠某年鄉試赴者五十餘人世選適居省無識不識周贈之人各數金世選時方訟也邑因武陵派撥采買穀四千餘石爲綏靖營兵食歲需民夫千數百名轉餉之約程數百里山徑艱嶮民夫畏苦之或至逃去地方受其累道光中知縣屠可標計以銀折米免夫餉之勞然費無所出世選慨然出八百金贊成之無何可標卒而忌者因緣構

訟幾爲所誣陷世選不悔也而事亦終白

鍾盛珩號佩五本城里人父大鏞由歲貢生歷任郴州桂陽州湘潭平江縣各學訓導修身教人釐然有程度盛珩幼稟父訓端重如老成不好嬉戲負才能弱冠補諸生入稟缺其學問以朱程爲宗不專工制科藝邑士人談理學者自盛珩始屢鄉試不第汨如也弟子著錄常百人其教後詞華先倫紀有某生性聰慧然居家常任氣不曲順於親盛珩固知之一日欲從之學拒不納更其兄盛炳言之不納如故後某生自慚易其行盛珩龍山縣志

卷之十四

人物

三

聞之則招之來使受學盛珩蚤喪父事母至孝常館近地朝夕歸省之盛珩故先沒瀕危時呼母向而泣語不及妻子邑某者年耄有母事之孝母性剛嚴少違意卽捽其鬚令跽而予以杖某時嬉笑受之盛珩故重其行與爲往來然某少本卑賤一日欲入貲納某職恐眾例阻之則大晏會意欲藉盛珩以解於眾者宴方半陳其事盛珩曰汝以吾能徇所好而背公義乎卽起拂衣去眾皆散而某事遂止不行

鍾盛琛字璞軒邑諸生大倫子也少勤淬於學暑不扇

寒不爐間數夕始一寢由諸生數鄉舉不第遂絕意進
取工書法精勁直追顏柳後進多楷模之事父母婉愉
將順待弟某輯和無間嘗游江南客大府某幕每僚友
讌集賓主歡漑所言多希合某意旨而盛琛莊矜終日
議論侃侃無所依附某亦敬禮之八年始歸以重修
文昌宮爲忌者誣訟幾破其家方訟疾時盛琛出則對
簿返卽至宮所程督工役勤勤若平時比宮成而事亦
白

田玉梅字鼎臣洛塔里人也少英達不循羈束從塾師

龍山縣志

卷之十四

人物

三

讀弗屑記誦之學乃去之距家十餘里有一洞絕人跡
雞犬之聲無至者玉梅獨讀書其中三年鬼物蛇虺無
所擾及出與人言所學恢奇潏潏聞者警怖然未知其
有實用也屢試有司不售乃出游之京師及久無所投
合咸豐三年粵賊陷金陵玉梅乃東見趙靜山巡道與
語奇之令管帶川楚兵克復嘉定歸德與有功焉加六
品銜玉梅至金陵城外周矚形勢旣慨然曰賊初據城
宜以計急下之苟或玩愒則彼修備持久未可猝復非
一二年事矣時向提督榮方主軍事玉梅乃獻其謀有

張炳垣者俠烈士也玉梅先識之久陷於賊玉梅爲微行入城與之謀炳垣並通欵數十人約爲內應玉梅乘間登城殺賊擲城下無何外兵無一至者謀且泄賊拘炳垣鞠其黨五毒參被炳垣獨任之抵死未嘗言同謀者一人玉梅故脫於禍出城時殺僞官五人門者十餘人自茲凡數出入謀皆不成然海內知玉梅名始此厥後勞師轉餉積十年之力而金陵始收復玉梅之言固驗云六年調征安徽時賊踞正陽關屢攻不得下玉梅則於黑夜攜壯士八人緣埤上會風雨作玉梅與八人

龍山縣志

卷之十四

人物

三

者乘之大呼噪聲震動遠邇賊瞽不辨多寡皆驚竄相踐踏死者無算城以復論功選縣丞加五品銜

賞戴藍翎七年調河南征捻寇時固始被圍久賊黨環者數重先後援兵無能入城者內外聲息皆隔絕玉梅至則屯大隊於後而自率數十騎衝擊之旣入復選城中驍騎益之出而蹂賊而大隊自後起來擊之賊腹背受敵力不支逸去死傷者相枕藉固始圍解論功升知縣九年復以功加運同銜

賞換花翎卓勇巴圖魯勇號題補河南太康縣知縣十

年征擒寇於歸德數戰賊皆敗玉梅追北一日夜蹕七
百里大隊漸不及玉梅獨與其親兵數十人者至汝陽
沙官橋時賊援兵蜂集團之數重玉梅則與其數十人
衝擊之賊死者無算而玉梅麾下亦且盡矣無何一賊
以殺刺玉梅洞左脅玉梅落馬踏地未殊賊拔刀前將
刎其頭玉梅驟起奪刀格殺刺己者賊競前擊玉梅玉
梅左右跳蕩手刃數十人創血潰力盡乃死賊爭其尸
支解之時咸豐十年八月初六日也死後其尸無所得
乃以衣冠招魂殮之事聞

龍山縣志

卷之十四

人物

三

贈太僕寺卿銜給予雲騎尉世職

命於汝甯建立專祠玉梅篤友誼終始不相背遇急難
忘軀爲之得而後已在金陵有陸某陷於賊玉梅爲變
服潛入賊中覓獲之攜以出或詢金陵事言及張炳垣
者往往嗚咽流涕性剛稜負氣在軍時以上書言事忤
大帥意故官不甚達玉梅善撫下與同甘苦未嘗絲毫
求取於軍故士卒樂用命所向有功然及其沒也喪不
能歸家困貧如故龍陽易佩紳玉梅友也招其長子至
家飲食教誨之長子沒又撫其次者承襲世職皆力爲

之玉梅讀書洞中有石方正如印出門時與人言石印
加長此吾得志時也及玉梅統師河南家人至其洞視
之石印果大於舊

陳兆麒字仁圃諸生父老患風痺臥不起所遺污牀褥
則躬爲浣易之日三污三浣不以爲嫌父母沒廬墓三
年至老孺慕不衰或爲子孫言及父母行實卽哽咽不
能卒語待姻友極誠厚時其窮乏而賙給之不須告也
邑有公事嘗傾貲倡成之橋梁道路多所修治居喪做
朱子家禮不用僧道人尤稱其方介

龍山縣志

卷之十四

人物

三

張慶雲字瑞圃邑諸生廷輝長子也事父母天真流溢
不爲瓌節曲謹言動坦率如孺穉父母有不懌見卽驩
然性善誹諧議論翕張可聽已有差疚對人暢言無隱
人有過亦面折之眾知其心不憾也賙卹宗親貧而力
耕者豁其佃租或告乏復貸以錢粟不償不責也援例
得縣丞署廣東曲江縣丞除奉秩外未嘗一毫取於官
裁革陋規清苦自守年餘以事至韶州夜夢其父招之
歸明日卽由韶州陳解還家甫月餘而父歿子延洪字
箕傳誠厚有守蓋稟其教云

黃元齡字伯海大鉞長子也邑增生屢鄉試不第乃入
貲得州判職性沈毅優幹略笑言不輕發鄉有爭競嘗
爲晰其是非以一言立解釋之縣以稀訟咸豐十一年
黔寇據來鳳攻縣城元齡募勇助守禦六閱月而縣城
完保如故事後論功以知縣用加府同知銜

賞戴花翎同治元年巡撫毛鴻賓奇其才召見之委以
府屬邊防聽便宜從事黔寇之方至也邑聞警皆奔竄
城無居民其勢幾不守元齡則合族人傾金募義勇乘
堙據之器械具備又約各鄉團練以壯聲援於是人心

龍山縣志

卷之十四

人物

三

大定遷徙者歸九月中賊攻城元齡勒義勇協官軍出
擊之而鄉團襲其後賊挫而退屢攻皆如之賊迄不逞
粵寇石達開至則繞縣城西北去來鳳旋入四川蓋亦
以城堅守不可下云先是知縣李熾福督辦團練保甲
皆倚任元齡爲之累三年之力故遇賊得資其用而毛
巡撫鴻賓委以邊防亦職此二年正月兩江總督曾國
藩聞其名檄之軍元齡率千人應之行抵省毛鴻賓復
奏畱防楚西征貴州苗寇於是元齡返自省師次辰州
八月后黨李復猷擾四川西陽州瞰龍山邑告警元齡

則由辰州率所部急馳抵縣城而李復猷遂繞秀山而去龍山再安三年六月勦土匪巴毛仙於太平營破其堅巢斬馘甚眾四年四月克復貴州天柱縣巡撫李瀚章卽以元齡攝縣事縣久陷於苗瓦礫填衢巷居民百不存一附郭田畝蒿藿沒人元齡招集流亡給耕牛糧糗令開墾之數月人煙輻輳雞犬相聞舉行團練保甲捕誅土匪於是民有固心縣當苗寇出入之衝向官其地者多以重兵自衛時或不保否則懷印避他處元齡獨率五百人以往而苗寇懾其名無敢犯方元齡敗賊

龍山縣志

卷之十四

人物

美

於太平營也生獲苗黨百餘人皆宜以軍法斬者而元齡故釋之歸至天柱又撫降之於是清台老巢各苗酋皆出投款更爲良民故無有犯元齡者四閱月元齡沒時四十八歲元齡先以功加知府銜至是事聞

賜卹卽升知府加道銜蔭一子入國學喪歸苗民泣涕送之數十里不絕元齡父生平多義舉志有未竟者元齡皆卒成之勤於學無事未嘗一時去書性豪宕愛客所居園林如畫佳時讌集賭酒聯吟竟日夜不倦子二長本榕諸生性純篤父病自家在視旣沒以哀毀殉之

元齡沒於八月二十三日日本榕距其父沒僅七日也次本穆庶出

饒維煜諸生沈毅有幹略少負大志鄉里以公正稱有爭競者得片言立解世居南鄉鄉故有文昌閣後圯維煜募貲重建之倣朱子社倉法置厰積穀其中益宏殿宇中設宋明以來名儒數人木主暇時集鄉人士講學其中另設月課邀黃元齡迭給旌獎久而弗倦咸豐初粵匪肆亂邑宰李熾福議行團練維煜實佐之並就其鄉人部以兵法南鄉團勇坐是尤井井有條理辛酉粵

龍山縣志

卷之十四

人物

三

寇圍縣城城故兵單倉卒募勇得數百人且無隔宿糧人心洶洶維煜由南鄉單騎入城實在局筦出納一日晨諸健兒噪而至露刃索維煜維煜臥方起躍出笑曰殺一老傭奚噪也袒而示之腹曰刃之顏色不變陽陽如平時眾以維煜書生可脅至是皆睜眦弗敢聲維煜從容曰諸君忍飢守陴良苦然使殺我而遂飽也則奚惜此老頭顱爲若猶未也諸君方倚維煜籌備之稍緩必有濟何其不能姑俟耶眾謝去維煜卽夜縋城出書券徧假鄉里間越日得數千石歸自是軍無缺食六越

月而圍終解論功得敘訓導後靖營戈觀察鑑聞其賢
檄理後路糧台度支源源弗缺也年六十四卒以勞績
擬保知縣至是得

恩贈知府異數也照知府在營立功後病故例給

卹廕一子入監讀書六月期滿以州判用生四子長杜
齡同知銜貴州候補知縣次榆齡四品頂戴四川候補
知縣三榕齡藍翎守備四樟齡業儒先是維煜兄弟三
人維煜最幼最友愛美衣食輒推讓兩兄後析產其田
畝器物亦如之父早卒事母至孝尤能先意承志王陶

龍山縣志

卷之十四

人物

三

氏母妹也晏饒氏維煜妹也均遇人不淑又貧不能自
存維煜窺母志常用此鬱鬱遂延至家贍其衣食母雖
沒不以改終身無德色家故不康而遇人有急難事必
竭力貲之雖坐困弗顧也論者咸謂後起隆隆皆盛德
之報云早年肄業嶽麓書院卽識江忠烈公酷慕其爲
人未得大用塵志以歿惜哉

黃一貫字希曾大鎮伯子也生三歲以疾失明姿性聰
達其父官廣西時年方幼卽筦家政肆物入手能辨其
美惡山田鉅細皆綜知之若注圖於心者僕御雖素黠

然不敢肆欺道光甲辰父沒卜葬於河以東及期大雨
陡漲詰旦柩出羣嘖嘖然慮難渡一貫則扶柩且行且
號籲於天河水陡落八九尺昇喪者乃揭而渡母衰病
苦獨居則嘗侍側與談人世可喜笑事以承其懽及年
且耄猶不改孺子慕先母卒時氣絕復蘇泣呼母者數
四不言其他

張振銘號盤蒼白巖里人監生家素封至振銘才能億
中益饒裕性慷慨焚先世積券數千金歲饑出藏穀平
糶多所全活士貧而儲學者恆資以成名里有爭訟一

龍山縣志

卷之十四

人物

三

言立解子德英官福建歲輦金給其用所在以清白著
卒年七十六孫茂淦貢士割股愈母病有孝行

伍祖鴻字用儀邑諸生本城里人性剛介遇不慊心者
面詆之未嘗背誹議人治家儉穀衣食素疏及耄猶耐
勞勩時以公事往於鄉同人車馬紛馳而祖鴻獨徒步
與往返百餘里不言疲決明義利不肯妄取益一毫人
士故欽重之咸豐辛酉秋髮寇犯境祖鴻偕其子茂勛
子媳姚氏妾張氏走友人黃昌模家避之九月十六日
夜月明賊大至祖鴻昌模各並家人出匿廬後深山處

天將明賊搜山獨茂勛妾張氏爲賊獲劫以行中道投崖免仍返方賊搜山祖鴻謂昌模曰如及我二人則何如昌模曰吾據險操利刃堵之不敵卽自刃而已祖鴻曰我不須刃此下有深澗死是可矣先賊火昌模廬舍及去已灰燼而其宗祠幸存遂並徙居之越日夜賊復至又並匿祠後竹園內賊入祠牢搜久之天將明賊偏入竹園時園中有深池祖鴻見賊卽倉皇躍入池而茂勛媳姚氏妾張氏昌模媳田氏競隨躍入獨茂勛爲賊持不得解先夜昌模獨在祠遇賊與言羣以其言直衷

龍山縣志

卷之十四

人物

罕

理不害也至是昌模隨入園由賊間見祖鴻溺於池欲前援出之忽一賊縱以殺昌模頸負創逸出而祖鴻乃死矣無何賊擁茂勛去眾昇揀之姚氏等三人者皆甦獨祖鴻已死不堪揀方祖鴻年逮壯而鬢髮卽皤然人或詢其年則漫應曰吾七十三矣及茲死適符其數鍾逢春本城里人幼貧廢讀業農田父盛魁以習奇門病瘋魔嘗懵然不曉人事母素依其兄逢陵春獨奉父日食飲皆節適之夜遺矢污衾褥卽爲澣濯易潔者不以委諸妻恐或苦父穢也咸豐辛酉秋髮寇入境眾爭

避獨春父夷然無懼意戀其居不肯行春爲負而走父思脫齧其背則忍痛力負之走匿山深處一日賊至山境過方急馳不知中有人匿也其父忽出前就賊春恐父傷隨至謂曰母殺我父我惟命賊卽釋之將劫春行時同匿有傭工某年衰老爲賊所不欲者也春卽呼某出託其父乃隨賊去春聰黠故日與賊相親昵賊信之不防也時夜寢賊旣酣春乘間起逸出身不及衣僅著袴由官渡口鳧河而歸見父持而泣汗淋淋與泣并或憐其裸擲衣衣之春始知有寒也時夜蓋大雪云同治龍山縣志

卷之十四

人物

里

乙丑年九月父沒春哀毀後父一月而卒

田宗瑗字伯玉本城里人辛酉秋髮寇犯境眾競走避而宗瑗獨守其父母不去先是宗瑗有外祖母老無依其父母迎至家養之外祖母素嬰足疾遇警艱遠行其父母卽畱守之不出避而宗瑗亦遂畱則令其妻攜其子女之母家曰吾不能顧汝矣九月十六日賊至宗瑗急負外祖母攜父母匿叢莽中賊牢搜獲其父將刃之宗瑗出援父左右翼父身賊卽斫宗瑗數重創一日卒時倉皇遂殮諸野明年十月改葬啟其屍面如生肌膚

無少腐觀者異之同時其子女爲賊掠女投水得免子隨去迄今未歸

張慶霈字春帆邑諸生廷輝仲子也性溫厚事父母愉色柔聲未嘗有幾微忤事兄恭謹待諸姊妹情懇無間敵睦宗黨有無通濟所在周浹衣冠進止具有程度議論諧雅可聽或有凌侮輒遜避之不與校循例補京東城兵馬司副指揮在官所需皆自家應給之不一毫有所妄取久之以母老乞養不許然言動闊略無少諧附終爲某權要所忌遂陳疾歸不復出道光己酉歲荒日

龍山縣志

卷之十四

人物

聖

治粥以食餓者全活甚眾咸豐辛酉髮寇犯境捐穀千餘石助軍餉當事倚畀之

黃一灃字叔濤大鐘子也性穎悟讀書不爲章句由諸生屢鄉試不第遂棄舉業言動犁然造次必於儒者大鐘謀置義莊未竟而卒爲捐田百畝繼成之妹適賈氏寡而貧資以八百金得溫飽終世捐置社倉改建節孝祠立遺愛祠節孝祠初不如制遺愛祠前此所無也施衣藥減佃租賑鄉里所在周浹咸豐辛酉粵寇陷來鳳進攻龍山一灃偕從弟元齡捐貲募勇助城守事平

縣欲上其功辭曰吾老且衰不如元齡才足資世用請
盡以功歸元齡知府張修府聞之曰此其實胡可泯哉
卒爲上陳得候選訓導加鹽課司提舉銜當寇至時所
在焚掠他社倉皆蕩然無存惟一澧所置如故蓋多方
維護之力也同治戊辰饑出藏穀平糶不給則捐貲轉
運辰常以濟之日治粥食餓者全活甚眾年六十五卒
著有五禮折衷四十四卷證人圖說一澧行有檢格治
喪本朱子家禮不用僧道妻屢卒計如世俗追薦所需
合六十金悉出以藏死字孤其方介嗜善如此

壽民

吳鳳儀洗羅里人年一百二十七歲道光六年鳳儀年百七歲由知縣徐璿詳請巡撫具題奉

旨給銀建昇平人瑞坊於東門外春厰坪徐璿甚禮敬鳳儀嘗招至署供其膳飲躬奉几杖迎春出行鳳儀亦冠服坐露輿從其後觀者榮之

何先朝他砂里人道光間年一百歲奉

旨建昇平人瑞坊又十年卒

張金獻本城里人現年一百四歲同治十二年金獻年

龍山縣志

卷之十四

壽民

畧

一百一歲由知縣張鴻順詳請巡撫具題奉

旨給銀建昇平人瑞坊復以五世同堂加

恩賞上用緞一匹銀十兩今建坊於北門外

段貴立本城里人年九十九歲長子景倫年八十七歲

次子景俊年九十四歲三子景偉年八十一歲孫文拔

現年八十二歲 梅儒習本城里人現年九十九歲

徐文耀本城里人現年九十七歲 王國治五寨里人

年九十七歲 孫慕顯本城里人年九十三歲 黃永

昌本城里人年九十一歲 姚華嵩四甲里人年八十

八歲 舒宗桂本城里人年八十二歲 余貴昌本城
里人年八十二歲 姚華泰四甲里人貢生任長沙府
教諭年八十歲 黃家模四甲里人年八十歲 曾先
品他砂里人現年八十歲 曾傳忠馬羅里人現年八
十歲 黃長清他砂里人年八十歲 田宏庥本城里
人現年八十三歲 易世和本城里人年九十六歲齒
落重生 吳國興白崖里人年八十三歲 蕭正元白
崖里人年八十四歲 謝良才白崖里人年八十六歲
羅崑陽白崖里人現年八十歲 馬福貴白崖里人

龍山縣志

卷之十四

壽民

巽

現年八十四歲 段景玉本城里人年八十二歲 龍
秀賢本城里人年八十三歲 龍秀靈本城里人年八
十一歲 黃遇昌本城里人年八十歲 田世達本城
里人年八十歲 胡士宏董補里人現年九十一歲

選舉

舉人

何藩 嘉慶戊申科 李如篋 道光庚子科

副榜

徐文作 乾隆丙午科 黃大鉞 嘉慶丙子科

拔貢

張振鴻 饒建寅 彭峻修 以上嘉慶

饒琪 李登岸 李如篋 饒璇 黃士瀄 以上道光

何宗楷 咸豐 向人冠 同治

龍山縣志 卷之十四 選舉 吳

歲貢

鍾大鏞 駱發榜 何映焯 饒建侯 王朝元

向廷溥 以上嘉慶

鍾盛林 劉工亮 賈佑啟 黃昌模 陳紹濬

饒瑞 杜詩囊 黃一清 秦代和 鍾大俊

魏光連 鍾盛瑗 饒瓚 向萬祚 以上道光

王國慶 劉定佑 曾紹緒 田興庠 劉定禧

伍茂芹 劉定祥 張慶雯 鄭秉彝 譚循亭 以上咸豐

劉沛 王啟楷 伍鳳飛 向世昶 范德鏞

唐元復

唐延陵

以上同治

薦辟

黃元齡花翎清軍府銜署貴州天柱縣知縣卹贈道銜
知府

田玉梅花翎鹽運使司運同銜授河南太康縣知縣卹
贈太僕寺卿

饒維煜試用訓導卹贈知府

張崑藍翎福建補用同知歷署上杭永福清流長洛
壽甯邵武福鼎溥城等縣

饒杜齡清軍府銜候選知縣

龍山縣志

卷之十四

薦辟

吳

饒榆齡四品頂戴四川候補知縣

曾烈花翎鹽課司提舉銜貴州補用知縣

鄭秉彝花翎鹽課司提舉銜卽選訓導候選知縣

黃元謨湖北試用府經歷藍翎升用知縣

黃元復五品銜府經歷

張慶霖兵馬司副指揮五品銜

李如篋瀏陽縣訓導五品銜

黃一灃訓導鹽課司提舉銜

龍袞訓導國子監學正銜

賀順存訓導國子監學正銜

鍾必瑚候選訓導

黃元澤附生翰林院孔目銜

黃榮本附生翰林院典簿銜

劉奇峯附生縣主簿

舒瀛附生縣主簿

鍾浥附生縣主簿

周杰附生縣主簿

魏天印花翎陝西潼關鎮挂印總兵

龍山縣志

卷之十四

薦辟

吳

鍾鎮南花翎健勇巴圖魯記名提督

周光正花翎裕勇巴圖魯記名提督

周光貴花翎饒勇巴圖魯提督銜記名總兵

封廕

鍾 涿以孫之凰布理問賜贈儒林郎妻郭氏贈安人
鍾山桂以子之凰布理問封儒林郎妻鄧氏贈安人
鍾之鳳以子大鏞訓導賜贈修職佐郎妻舒氏封孺人
聶肇世以子愈達辰谿教諭賜贈修職郎妻史氏贈孺人
饒尙芳以子建元九道梁巡檢賜封登仕郎妻向氏贈
孺人

黃恢先以孫大鎮通判加二級請封賜贈奉直大夫妻
王氏贈宜人

龍山縣志

卷之十四

封廕

五

黃之翰以子大鎮通判封奉直大夫妻晏氏封宜人
黃之秀以子大銘都司贈昭武都尉妻王氏封恭人
黃大銘都司封昭武都尉妻鍾氏封恭人

謝君榮以孫永耀布理問賜贈儒林郎妻龔氏贈安人
謝文舉以子永耀布理問封儒林郎妻陳氏贈安人
易楚雄以孫學經領運千總賜贈武信郎妻李氏贈安
人

易國清以子學經領運千總贈武信郎妻向氏贈安人
劉有光以孫鳳來州同賜封儒林郎妻謝氏封安人

劉襲舒以子鳳來州同封儒林郎妻向氏封安人

吳會盛以子桐江淮衛平總贈武信郎妻伍氏贈安人

劉猷宗以子大振湘鄉教諭贈修職郎妻孫氏贈孺人

周之旦以曾孫光正提督贈振威將軍妻徐氏贈一品夫人

周政朝以孫光正提督贈振威將軍妻甘氏贈一品夫人

周大珍以子光正提督封振威將軍妻杜氏贈一品夫人

龍山縣志

卷之十四

封廕

三

人

周光正以江南軍功封建威將軍妻蕭氏封一品夫人

鍾山桂以曾孫鎮南甘肅軍功贈武顯將軍妻鄧氏贈

二品夫人

鍾之龍廩生以孫鎮南甘肅軍功贈武顯將軍妻陳氏

贈二品夫人

鍾大俊貢生以子鎮南甘肅軍功贈武顯將軍妻劉氏

贈二品夫人

張廷輝州同加同知銜以子慶需兵馬司副指揮封朝

議大夫妻胡氏封恭人

黃大鉞湘鄉教諭以城功議敘鹽運使司運同銜

李道準以孫如篋瀏陽訓導加五品銜贈奉直大夫妻

賈氏贈宜人

李亘榮以子如篋瀏陽訓導加五品銜贈奉直大夫妻

張氏贈宜人

李亘發以姪如篋瀏陽訓導加五品銜贈奉直大夫

妻孟鄧氏贈宜人

鄭蘭以孫秉彝貴州軍功贈奉直大夫妻熊氏贈宜

龍山縣志

卷之十四

封廕

三

人

鄭之貴以子秉彝貴州軍功封奉直大夫妻晏氏封宜

人

黃大鐘以子一鳴訓導加鹽課司提舉銜贈奉直大夫

妻熊氏贈宜人

張振銘以子崑福建同知贈奉直大夫妻李陳氏贈宜人

何南一以子宗楷刑部主事贈奉直大夫妻杜氏封宜

人

黃一清以弟一鳴湘陰訓導贈修職郎妻汪氏封孺

人

何宗楷拔貢官刑部主事授承德郎

孫慕顯以子家政從九封修職佐郎

黃元齡以天柱縣知縣在營病故卹贈道銜知府廕一子入監讀書期滿以州判用

饒維煜以訓導在營病故卹贈知府廕一子入監讀書期滿以州判用